

مجموعه ابو الضرب

ماسوا شایه سندن دلی تطهیرہ چالش
و عرفان الہ تنویرہ آلس

هر ماه عربی ابتدا سیله اون بشده نشر اولور قون مجموعه سیدر

جزو ۴۰ [فی ۱۵ صفر سنه ۱۳۰۲] نسخه سی ۳ غروش

کله سی دخی صدف معنا سنه دلالت ایدن (اوستراقون) کلسندن
 ترکب ایتشدن. ایسته آریستیدک دخی مجبول اولدینی فرط استقامت و علو افکاری
 سببیه قزاندینی نفوذ و حیثیتدن طولانی عاقبت بو جزا ایله محکومیتی لازم
 کیکله برقاعده آرای عمومیه به مراجعت ایدلمش و هر کسه بر صدف پاره
 کوندریله رک رایلیرنک تحریری بیلدیرلمش ایدی. آینه جو ارنده کی کویلیلدن
 برسی یازی یازمق بیلدیکی ایچون راست کله او جو ارنده بولنان و فقط شخص
 و سیاسی کندیسنجه مجبول اولان آریستیده مراجعتله لزوم نفی و تقریبی
 حقنده کی رأینی کندیسنه یازدیرمق ایستری. آریستید، شهرت عادلانه سی
 دلدرده داستان اولان بو آدمک کندیسنه نه یامش و حقنده بویله برزای
 ویره بیلک ایچون کرک شخصنه و کرک عمومه نه کونه مضراتده بولنمش
 اولدینی مرقومدن سؤال ایدنجه صافدل کویلی، « خیر خیر! نه بکا ونه ده
 خلقه بر مضرتی واردر. فقط کندیسنک شهرت عدالتی ایستمدن
 اوصاندمده آنک ایچون بورایی ویریسورم. » سوزیله مقابلهده بولنمش
 و بونکله انسانک غرابت مزاجی حقنده بر بیوک دلیل کوستر مشدر.

مأمونک حلمنه دائر بر فقره تاریخیه

مشاهیر خلفای عباسیه دن مأمونک حلم و اعتدالی حقنده مروی
 اولان حکایات تاریخیه دندر که مشار الیه بر کون برایش امر ایتمک اوزره
 اقامتکاهنک خارجنده بولنان خدامنی « یا غلام! » دیه چاغرر. ایچری
 کیرن خدمتکار همان « بهی افسدم! خدامک طعام ایتمز، صوا ایچمز
 و بشقه برایش کورمز لرمی؟ یانگزدن آریلیر آریلمز یا غلام! یا غلام! دیه
 حایقرمغه باشلارسکز! بونه تو کتمز یا غلام! » دیه رک کستاخانه بر طاق

سوزلر سو يار . مأمون ایسه حریفک بوتریه سزلکنی حیرتله دیکه دکدن
 و برمدت مبهوت قالدقن صگره زردنه بولنان و اخص ندما مستندن اولان
 عبدالله بن طاهره خطاباً « یا عبدالله ! بر آدم اخلاق حسنه صاحبی اولورسه
 مطلقاً بد اخلاق خدمه یه مبتلا اولور . و بالعکس اخلاقی بد اولان بر
 اقدینک خدمتکارلری خلوق تصادف ایدر . مع مافیہ بز خدمتکارلر مزک
 اخلاقی کوزل ایتمک ایچون کندی اخلاقزلی چرکین ایتمک ایسته میز . »
 دیمش . و زباندرار اسات اولان خدمتکاره مسامحه ایله مقابله ایتمشدر .

معلومات متوعه

واشینغونده موسیو (گر) نام ذاتک « مطبعة حکومت، بر عصره
 نظر، یعنی ۱۷۸۹ دن ۱۸۸۱ ده قدر » عنوانیله نشر ایتمدیکی اثرده
 واشینغتون مطبعة حکومتی حقیقده شایان دقت بعض تفصیلات بولغناه
 اصحاب مطالعه یه او باده بر علم مجمل اعطاسی مناسب کورلدی .
 « واشینغتون مطبعة حکومتی ۱۸۵۲ سنه میلادیه سنده تأسیس
 قلمشدر . ۱۷۸۹ دن سنه مذ کوره یه دکن حکومتک اوراق و سائره سی
 خصوصی مطبعه لر طرفندن و حکومتله اصحاب مطابع بیتنده عقد اولنان
 مقاولان و شرائطه توفیقاً طبع ایدیلر ایدی .
 حکومت اوراق و محرراتی بر مأمور مخصوصک نظارتی آلتنده طبع
 ایتمک اوزره ۱۸۵۲ ده واشینغتون مطبعه سنی تأسیس ایتمشدر .
 شمدیکی حالده بو مطبعه ممالک مدینه ده موجود اولان کجسیم
 مطبعه لر دن بریدر .
 مطبعه ۸۰ بیسک انکلیر قدمی مر بغه ده بر عرصه اوزرینه مبنی